

盛京時報附張

號四十六百二第 張附不 文分取不 (五拜禮)

西人論德國不能歸還膠州之原因

上海字林報云據西人海密爾登言謂德國擬將膠州歸還中國之說實係不確因其整頓膠州之費用固已不貲即如由官民所辦一切如海軍等費已有六七百萬磅又欲振興商務更費去五六百萬磅故欲還諸中國非得一千二百萬磅之贖款不可現德國雖欲與中國厚其交誼斷不肯以膠州之價值為交換之資且德國在遠東勢力範圍之關鍵亦莫若膠州歸還之說恐終難卜也至膠州海灣交通之便利足使德人之在山東與英人之在中國中部相競爭現青島至膠州之鐵路亦經築就計長三百英里其路線又經由濟南府現又築一路由青島海濱直達博山濰縣礦地而該處礦煤之出口亦可有二萬磅其經營一切皆係德人自籌之資本而他處之用德國資本經營開礦等事亦尚不少故於商務上已極繁重即此觀之德人斷不願除去此等利權即於實業上雖不能滿意而於鐵路已可大占利益蓋自京漢鐵路成立後則山東亦係極重要之支路而猶不但握山東支路之利權且更可築天津清江之鐵路然鐵路商務之計議姑勿論而青島一區亦德國遠東政策上之重點因青島與汕頭之間更有一海軍根據地在焉將以南據汕頭北領青島且駁駁乎親向漢口以為西蔽此等實願有可成之一日也今欲德之歸還膠州是直以最重要之地畀中國不知其志方有別圖庸有厚望乎至漢口固已為德俄兩國得同等之權利而德方欲與英相競爭故在汕頭地方德之勢力亦頗伸張且欲侵及英國之占領地現無論在何處惟德之地位頗有增進之勢而圖謀青島之心為更切是以由政事商務實業上觀之則膠州一埠實德國在遠東之總機關也

各省新聞

● 是為將軍任司馬監督明府副其事現西制為校舍涉冬招生等肄業都百有六十人釋采有日而堂乃報檢司馬志意高鶩平替於儕輩如也於是眾譁然騰譏諷謗阻撓生學幾罷天下事不患沮尼之來而患積誠之不至兩公博心登是志不為沮者濡手足焦毛髮而不顧卒之堂燬而復舊學立而謗息生等並誦其中於醫學懽懽有得也而兩公之心力瘁矣將事予司馬勞也令權農安農安近者政據家謂為金之黃龍府地士馬精疆意者其猶昔日之雄乎夫巡警行而人民安歐瀛治臻隆古其道在是內治外患交相修矣翳匪其恣肆乎哉司馬行矣先贈公之治長春循良為關東最農安時未分治白叟携杖猶將就而詢諸以話當年政蹟者繼先撤後邊氓司馬之所優也生等資教育感情深焉西城祖道貢記念其何以為教司馬名謝恩江蘇無錫人明府名達春浙江會稽人

● 衍聖公之來京(北京) 衍聖公孔令貽八月初三日來京預備八月初八日倍祀 先師孔子廟 設立審判廳(天津) 曉諭事照得現奉督憲在天津地方奏設高等分廳一處地方審判廳一處鄉鎮局四鄉各一處凡錢債及所爭物價在百兩以內者又不論價值多少係屬田畝界址之爭訟者均歸鄉鎮局收理其價值百兩以上者歸地方審判廳審理如有不服鄉鎮局之判斷者可上控於地方審判廳不服地方審判廳之判斷者可上控於高等審判廳分廳查本分府衙門向有詞訟無非錢債及地畝界址既已奏設專管廳局本分府即無收理詞訟之權但民間未知細情往往多照例呈遞恐爾等徒勞往返為此出示曉諭須知嗣後凡有兩造爭訟應就近赴鄉鎮局或地方審判廳呈遞毋得圖省訟費仍至本署投遞致干駁斥至並非兩造爭訟之根稅等案仍由本署收理此為格遵奏定章程起見慎勿誤會切切特示

● 魯撫運動謀署鄂督(山東) 山左省垣迭次傳說魯撫都中密電將升川粵兩督近已不確日昨又據政界中述及謂運帥得家報知張中堂用之說已確故特託中表戚某道入京竭力運動謀署鄂督其後某道果於日前啓行且踪跡極為秘密所言如此姑記之以觀其後

● 袁撫辦正參案(河南) 護撫袁方伯前在藩任時被參一案幾於道路喧傳有口皆碑近聞袁撫忽向

人辨正云參劾并無其事乃與我不睦之某員造謠以誣我名譽者現方密查某員造謠確據向之責問不知政海中之變幻何玄妙以此至此也

● 津鎮路款抵押之困難(江蘇) 津鎮鐵路借款抵押由江督蘇撫派司關認籌迭詳前報茲悉鎮關道榮觀察以鎮江徵稅鈔僅止百萬兩上下奉派常年解支各款已逾百萬收不敷解歷年積欠甚巨無力彌補而派籌各款猶復逐年增多有加無已竭蹶為難情形較前更甚近又奉部派籌川演邊務經費三十萬兩稟請收撥未准仍飭令分期籌解現祇得酌緩設法騰挪勉任其難是鎮關不獨無的款可以指撥即十年內每年應付利息亦難設籌至鎮道兼管之揚州關所收稅釐約十萬兩已抵各項新政要需亦無餘款業已詳復督撫並咨明甯蘇兩藩司另行籌畫云

● 鹽商又被誣為革命黨(江蘇) 運司奉督電指康山盧某為革命黨人並有該黨中人匿跡其家著即查明電覆都轉即派巡警局往查盧為兩淮鹽商之巨擘其子曾出洋游歷絕無勾結黨人形跡亦無違禁各物業據實覆電云

● 新軍鼓噪(安徽) 上月二十七日之夜十二點鐘時北門外火藥庫人聲嘈雜居民不知何事驚慌異常後詢悉江甯派來防守藥庫第九鎮三十三標第一營第一隊新軍因司務長張定國吞沒伙食銀兩經日兵查悉與其理論并索前帳張當將賬簿撕毀以為滅跡地步是以全隊兵士大為鼓噪幸由該隊隊官促將此項百數十元之火食銀歸本月補給且勸慰各目兵其事遂寢

● 屯溪大火(安徽) 徽州府屯溪鎮商務頗盛本月初六日夜間河街某姓失慎歷五六點鐘始熄共燬屋二百餘間

● 學界公建廣雅德政亭(湖北) 鄂省文武大小各學堂管理教授各員以張香帥在鄂興學有年均歌頌不置刻以節節不日赴京學界感情殊深日昨公議在八月分薪水項下撥捐巨款就黃鶴樓官胡兩公專詞側地建設一亭額曰廣雅德政亭碑香帥像并記香帥督鄂廿餘年之政蹟以為紀念連日已備辦營造各事擬儘香帥節前落成即在亭中公餞節節云

● 解運魚雷艇日員留鄂(湖北) 日本川崎船廠前次解運湖鵬兩魚雷艇來鄂之日本海軍下士濱田藤太郎等二人經鄂督張香帥飭令留鄂以資教練日前由駐漢日本領事與混成協黎協統元洪會同善後局訂立合同條款計每月月薪百金均由善後局撥給云

● 改建孔廟(浙江) 孔子升為大祀各處文廟規制應即改建以示尊崇杭州文廟經錢塘蘇令查勘後勒得原有官廳一所只須略加修理毋庸另建

至於道統石室嵌有石碑亦不必移動所需武職官廳或由來道開門通於道統室內以備臨時應用亦可節省經費其由聖門而入於泮宮坊前添築照牆並於西邊另築一路如此量為更改所費無多於部定新章承祭官應改由右側門出入之例亦符已稟由藩學兩司會詳浙撫張中丞飭司委員估工撥款改建矣

● 粵路近事紀要(廣東) 粵路舉定之總協理現未上場以致大局紛如亂絲無人過問近以督開缺各股東咸慮反對黨乘間而入力催總協理羅黃兩君早日出任路事昨十一日黃君特到羅君處商議旋由羅君邀劉小卓到宅當面請其擔任財政則劉稱將來如開銀行伊必担任至目下接管財政則勢難分身等語羅不得已遂致函董事局請刻日集合創辦股東行商善董商議選舉人担任現任在財政其國語有謂仍舊懇劉担任抑或另舉方善亭朱伯乾擔任從速施行至為至要云

自四大股東會出現後小股東之組織更形踴躍日來分佈傳單言之有故惟各創辦行商以大小股東既各張旗鼓監督公司自願亦不能默視近又遍請各創辦股東會議擬另設創辦股東會以免落人後著昨已將一切章程磋商妥善說者謂總協理既已舉定股東只當將辦事各權交付總協理不當各立一會外之則為徒事競爭內之則為越俎干涉然無四大股東會之設則小股東會必不繼起是又不能不責作備者之無意識無公德心矣

● 思恩官兵蕩平匪巢(廣西) 廣西匪首農致祥悍黨特六特七等前竄入古零土司境內經彈壓白山土司鄧通判先派派哨官胡弁帶隊往剿而匪帶又至減培村章光秀家即由團紳王言嘯率帶練勇約同胡弁前往圍捕匪首胡弁先放陣亡親兵什長一名匪眾數百人出村開仗官軍單弱力難抵禦退伏村外各山特險為衛一面飛赴金銀圩調兵旋幸援師齊集會合進攻匪仍抗拒由辰初戰至下午三點鐘該匪忽認稱願降請勿放槍遣窩家章光秀出繳土槍六枝官軍察其情形詐偽姑令團總蒙登儀率練入村大隊繼之蒙團甫抵村門匪槍復放傷練丁二名官軍大憤四面痛擊攻至黃昏章特七冒險逃出經團丁截獲又攻至四更章特六親率匪徒偽軍師等撲出思恩當被官軍全行擒獲並獲匪三十餘名奪槍數十件起出被擄男婦十二名幼女六口贓物無算計是役陣亡親兵什

長一名兵練受傷十八名鄧通判提訊章特六供係農致祥部下偽前軍統帥偽封太平王妻藍氏弟特七均為匪多年有黨千人迭次被官軍剿殺已所餘無多等語署思恩府知府彭言孝以章特六雖獲而逃脫之黨尚眾已飛飭各路防練嚴密緝捕毋令復附入農逆股內一面將鄧通判等各官紳苦戰出力情形通稟案案獎

奏摺錄要

度支部奏遵議丈放盤蛇驛完竣出力人員請獎摺

度支部等部謹 奏為遵 旨議奏事內閣抄出盛京將軍趙爾巽奏丈放盤蛇驛完竣並將出力人員請獎摺摺摺光緒三十三年五月初三日奉 硃批該部議奏欽此欽此到部據原奏內稱查盤蛇驛牧廠地畝經前將軍增祺派委花翎二品銜分省試用道蔣祖榮設立總行各局收價丈放已將一切章程先後奏明在案奴才到任後因查領地各戶逾限日久價未清交雖多由刁民故意抗違第兵燹之後民力不無竭蹶不得不稍示體恤當經展寬期限出示曉諭並飭該局遵照去後旋於光緒三十二年閏四月底止將該地一律丈放完竣共計上中下生熟地五十七萬四千二百一十一畝三分六釐八毫應收正價庫平銀三十二萬一千零八十九兩五錢九分零八絲經費庫平銀四萬八千一百六十三兩四錢三分八釐五毫一絲二忽現已一律收齊據該局分造圖冊呈請具奏前來奴才覆核數目相符查前辦圍荒大凌河等處墾務出力人員均蒙 特恩准予給獎在案此次盤蛇驛牧地西界多與升科各地犬牙相錯墾務最難則素患水火招戶領墾尤多是以兩強官軍匪徒竄擾日處顛危經該道防剿兼施一面督員堅持局務撫輯鄉民竭數年之力始終不渝卒能將所有地畝一律放墾不致廢棄集腋成鉅款實於 國計民生均有裨益該總辦道員蔣祖榮並在事出力各員均不無微勞足錄謹按照新章擬計徵收銀數分別異常尋常酌擬保獎以示鼓勵等語臣等查前據政務處會奏擬定限制保舉章程一摺內稱各省墾務保獎酌定限制查東三省及蒙旗墾荒近年均分別異常尋常勞績給獎並無一定準則嗣後墾荒出力人員內押准照異常勞績給獎一員押荒收價至二萬兩糧租每年增額至一千兩者准按尋常勞績給獎一員仍先將銜名差委名目薪水支數先立案以防冒濫等因奏准通行在案今奉省丈放盤蛇驛地五十七萬四千二百餘畝收地價銀廿二萬一千餘兩請將在事出力人員擇尤保獎並未將其員徵收荒價若干每年增收租額若干分晰聲敘與新章不符應令遵照新章分別造具冊冊送部以憑核辦所有臣等遵議緣由理合恭摺覆陳伏乞 皇太后 皇上聖鑒再此摺係度支部主稿會同吏部陸軍部辦理合併聲明 奏光緒三十三年六月十六日 奏本日奉 旨依議欽此